

**Jika PH menang PRK, petanda rakyat tolak Najib  
Free Malaysia Today  
Jun 11, 2016  
Adam Abu Bakar**

**Kemenangan itu isyarat penolakan kepada Najib, kata Tun Dr Mahathir Mohamad di Sungai Besar.**

SEKINCHAN: Sekiranya Pakatan Harapan (PH) memenangi dua PRK ini, ia akan menjadi isyarat jelas untuk membuktikan betapa rakyat menolak Perdana Menteri Datuk Seri Najib Razak.

Bekas perdana menteri Tun Dr Mahathir Mohamad berkata demikian walaupun keputusan PRK ini tidak akan menukar kerajaan.

“PRK bukan untuk menukar kerajaan atau dasar kerajaan. Ini melibatkan dua wakil. Kita masih tidak dapat majoriti kalau menang kedua-ke dua PRK, sebaliknya Najib akan terus menjadi kerajaan.

“Tetapi ia usaha menunjukkan kepada Najib rakyat menolaknya. Jadi kita ingin mendapatkan kemenangan kepada calon kita (Azhar Abdul Shukur) dan juga di Kuala Kangsar,” katanya pada sidang media di Restoran Hao Xiang Chi, hari ini.

Katanya, kemenangan dalam PRK ini juga akan membuktikan rakyat benci Najib dan Datin Seri Rosmah Mansor.

“Ini kerana mereka menyalahgunakan duit untuk kegunaan PRK,” katanya di depan kira-kira 500 pengundi yang majoritinya berbangsa Cina.

Sebelum itu, Mahathir dan beberapa pemimpin PH seperti Lim Kit Siang, Tan Sri Mohamad Mohamad Taib, Anuar Tahir menyaksikan calon AMANAH di Sungai Besar, Azhar Abdul Shukur menandatangani Deklarasi Rakyat.

“Kalau saya tidak menjadi calon pun, saya tetap akan sokong Deklarasi Rakyat,” kata Azhar.

**Copyright (C) 2009-2016 MToday News Sdn. Bhd. All Rights Reserved.**

Source: <http://www.freemalaysiatoday.com/category/bahasa/2016/06/11/jika-ph-menang-prk-petanda-rakyat-tolak-najib/>